



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tlf: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



ADAPTACIÓN DA CONCRECIÓN CURRICULAR DO IES

LAURO OLMO SEGUNDO A LOMLOE : AVALIACIÓN,

PROMOCIÓN E TITULACIÓN.

NORMATIVA MATRÍCULAS DE HONRA NA ESO E

BACHARELATO.

PROPOSTA NA CCP 26 xaneiro 2022, Claustro 9 de marzo do 2022 e Consello Escolar 9 marzo 2022.

1- A AVALIACIÓN NA ESO

ORDE do 25 de xaneiro de 2022 pola que se actualiza a normativa de avaliación nas ensinanzas de educación primaria, de educación secundaria obrigatoria e de bacharelato no sistema educativo de Galicia

- **A avaliación da aprendizaxe do alumnado levarase a cabo tomando como referentes para a comprobación do grao de adquisición das competencias e do logro dos obxectivos da etapa os criterios de avaliación e, de ser o caso, os estándares de aprendizaxe que se recollen no Decreto 86/2015, do 25 de xuño**, polo que se establece o currículo da educación secundaria obrigatoria e do bacharelato na Comunidade Autónoma de Galicia. Os referentes para a comprobación do grao de adquisición das competencias e o logro dos obxectivos da etapa nas avaliacións continua e final das materias dos bloques de materias troncais, específicas e de libre configuración autonómica serán os criterios de avaliación e estándares de aprendizaxe.
- **Os referentes da avaliación no caso do alumnado con adaptación curricular serán os incluídos na devandita adaptación**, sen que isto poida impedirle a promoción ao seguinte curso ou a obtención do título de graduado ou graduada en educación secundaria obrigatoria.
- **O proceso de avaliación será continua, formativa e integradora.**
- No contexto do proceso de avaliación continua, **cando o progreso dunha alumna ou dun alumno non sexa o adecuado, estableceranse medidas de reforzo educativo**. Estas medidas adoptaranse **en calquera momento do curso, tan pronto como se detecten as dificultades**, con especial seguimento da situación do alumnado con necesidades educativas especiais, e estarán dirixidas a garantir a adquisición das aprendizaxes imprescindibles para continuar o proceso educativo.
- Aínda que a avaliación teña un carácter integrador, non impedirá que o profesorado realice de xeito diferenciado a avaliación de cada materia ou ámbito tendo en conta os seus criterios de avaliación e, de ser o caso, os estándares de aprendizaxe de cada unha delas.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÃO EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tlf: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



- **Todo o alumnado recibirá a principio de curso a información sobre os criterios de avaliación e estándares de aprendizaxe de cada materia.** Por iso, ao analizar un criterio de avaliación habemos de diferenciar a parte teórica que se refire á adquisición dos coñecementos puros e a parte práctica que se refire ao que debe saber facer con eles para mellorar as súas competencias.

1-1 AS AVALIACIÓNS:

- ✓ **Haberá unha avaliación inicial, realizarase baixo a coordinación do profesorado titor, coa supervisión da Xefatura de Estudos ou algún membro do equipo directivo, terá un carácter preventivo para detectar problemas e busca de solucións asesorados polo departamento de orientación.**
- ✓ **Haberá tres avaliacións parciais 1ª, 2ª e 3ª**
- ✓ **Farase seguimento e recuperación dos ámbitos e materias pendentes por parte dos departamentos.**
- ✓ **O período abranguido entre a terceira avaliación parcial e a avaliación final dedicase a actividades de apoio, reforzo, recuperación, ampliación e tutoría.** Nese sentido, para o alumnado que teña materias ou ámbitos con partes sen superar logo de realizada a terceira avaliación parcial, o equipo docente realizará un breve informe de avaliación individualizado que debe servir de base para o deseño das correspondentes actividades de recuperación.
- ✓ **A cualificación definitiva das materias ou dos ámbitos farase efectiva na avaliación final de curso.**
- ✓ **Na avaliación final de cada curso realizarase unha valoración das competencias clave. Os resultados expresaranse nos termos de insuficiente (IN), para as cualificacións negativas, e suficiente (SU), ben (BE), notable (NT) ou sobresaliente (SB), para as cualificacións positivas.** Tamén haberá cualificación numérica de referencia ao lado.
- ✓ **A persoa titora recollerá en acta, para cada sesión de avaliación,** as decisións e os acordos acadados referidos a cada alumna e alumno, e ao grupo no seu conxunto.
- ✓ **As decisións adoptadas polo equipo docente irán referidas á promoción e á titulación do alumnado, ás medidas de atención á diversidade e a todas as que incidan no proceso educativo** do alumnado. De non existir unanimidade no equipo docente, a toma de decisións requirirá o acordo favorable **da maioría simple dos seus membros.**

1-2 A PROMOCIÓN NA ESO SEGUNDO LOMLOE :

Ao finalizar cada un dos cursos da etapa e como consecuencia do proceso de avaliación, o equipo docente da alumna ou do alumno, na sesión de avaliación final, decidirá sobre a súa promoción. A decisión será adoptada de xeito colexiado, atendendo á consecución dos obxectivos, ao grao de adquisición das competencias establecidas e á valoración das medidas que favorezan o progreso da alumna ou do alumno, e tendo en conta os criterios de promoción.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tlf: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



■ PROMOCIONARÁ DE CURSO:

- ◆ Quen superase as materias ou os ámbitos cursados ou teña avaliación negativa **nunha ou dúas materias**, considerándose para o cómputo as materias non superadas do curso e as non superadas de cursos anteriores.
- ◆ Quen o equipo docente decida sempre que se dean estas características á vez:

- a) **Que a media aritmética das cualificacións obtidas** en todas as materias en que estea matriculada ou matriculado nese ano académico **sexa igual ou superior a cinco**.
 - b) Que o equipo docente considere **que a natureza das materias non superadas lle permite seguir con éxito o curso seguinte**.
 - c) Que o equipo docente **considere que ten expectativas favorables de recuperación**.
 - d) Que o equipo docente considere que a devandita promoción **beneficiará a súa evolución académica**.
- **O alumnado que acade a promoción de curso con materias sen superar deberá seguir un plan de reforzo en cada unha desas materias**, destinado á súa recuperación e á súa superación
 - **Para a elaboración e o seguimento do plan de reforzo** a que se refire o punto anterior, seguirase o establecido no artigo 51 da Orde do 8 de setembro de 2021, pola que se desenvolve o Decreto 229/2011, do 7 de decembro, polo que se regula a atención á diversidade do alumnado dos centros docentes da Comunidade Autónoma de Galicia nos que se imparten as ensinanzas establecidas na Lei orgánica 2/2006, do 3 de maio, de educación.
 - **O alumnado que non acade a promoción permanecerá un ano máis no mesmo curso**. A permanencia no mesmo curso considerarase unha medida de carácter excepcional e tomarase logo de esgotar as medidas ordinarias de reforzo e apoio para superar as dificultades de aprendizaxe da alumna ou do alumno. En todo caso, a permanencia no mesmo curso planificarase de maneira que as condicións curriculares se adapten ás necesidades do alumnado e estean orientadas á superación das dificultades detectadas, así como ao avance e ao aprofundamento nas aprendizaxes xa adquiridas. Estas condicións recolleranse **nun plan específico personalizado con cantas medidas se consideren adecuadas para este alumnado**. Para o plan específico, seguirase o establecido no artigo 52 da Orde do 8 de setembro de 2021, pola que se desenvolve o Decreto 229/2011, do 7 de decembro, polo que se regula a atención á diversidade nos centros públicos de Galicia.

1-3 O CONSELLO ORIENTADOR

- ◆ **AO FINALIZAR O SEGUNDO CURSO** entregaráselles aos pais, ás nais ou ás persoas que teñan a titoría legal de cada alumna ou alumno un consello orientador. Este consello incluírá un informe sobre o grao de logro dos obxectivos e de adquisición das competencias correspondentes, **así como unha proposta a pais, nais ou tutores ou titoras legais, ou, de ser o caso, á alumna ou ao alumno, da opción que se considere máis adecuada para continuar a súa formación, que poderá incluír a incorporación a un programa de diversificación curricular ou a un ciclo formativo de grao básico**.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÃO EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tif: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



- ◆ **AO FINALIZAR A ESO ou, de ser o caso, AO CONCLUÍR A SÚA ESCOLARIZACIÓN, todo o alumnado recibirá un consello orientador individualizado que incluírá unha proposta sobre a opción ou as opcións académicas, formativas ou profesionais que se consideran máis convenientes para o seu futuro..**

- ◆ **equipo docente poderá propor a pais, nais, titores ou titoras legais, ou á alumna ou ao alumno a súa incorporación a un ciclo formativo de grao básico ou a un programa de diversificación curricular, ou ao primeiro curso dun programa de mellora da aprendizaxe e do rendemento, nalgún outro curso en que resulte de aplicación, a devandita proposta formularase a través dun consello orientador que se emitirá con esa única finalidade. O CONSELLO ORIENTADOR SERÁ ELABORADO POLO PROFESOR TITOR, logo da información recollida na sesión de avaliación final e co asesoramento do departamento de orientación. Levará a sinatura do profesorado titor e da persoa que exerza a xefatura do departamento de orientación.**

1-4 TITULACIÓN EN EDUCACIÓN SECUNDARIA

DECIDIRASE NA AVALIACIÓN FINAL DO 4º CURSO DA ESO, será o equipo docente quen decida.

- A decisión será adoptada **de xeito colexiado**, atendendo á adquisición das **competencias establecidas a** consecución dos **obxectivos da etapa**, sen prexuízo do establecido no artigo 7.2 desta orde, e tendo en conta os criterios de titulación.

■ **TITULARÁ:**

- ◆ **Quen supere tódalas materias e ámbitos dos que estea matriculado-a.**
- ◆ **Quen sen superar todos os ámbitos cumpra todas as condicións que seguen:**
 - ✓ Que posúa unha media de materias ou ámbitos sen superar por riba de 5 puntos.
 - ✓ Que a xuízo do equipo docente a alumna ou o alumno adquirise as competencias establecidas
 - ✓ Que a xuízo do equipo docente a alumna ou o alumno alcanzase os obxectivos da etapa.

No título de secundaria non figurará a cualificación. O alumnado ó acabar a súa etapa de escolarización, recibirá unha certificación na que figuren anos cursados e nivel de adquisición de competencias.

- **ALUMNADO QUE NON CONSIGA A TITULACIÓN** e supere os límites de idade establecidos no artigo 4.2 da Lei orgánica 2/2006, do 3 de maio, de educación, tendo en conta así mesmo a prolongación excepcional da permanencia na etapa que prevé a propia lei no artigo 28.5, **poderao facer nos dous cursos seguintes a través da realización de probas ou actividades personalizadas extraordinarias das materias que non superase, de acordo co currículo establecido** e coa organización e instrucións que dispoña a Secretaría Xeral de Educación e Formación Profesional.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tlf: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



1-5 TITULACIÓN DA ESO PARA ALUMNADO DE FP BÁSICA

A superación da totalidade dos módulos incluídos nun ciclo de formación profesional básica conducirá á obtención do título de graduado en educación secundaria obrigatoria.

1-6 MATRÍCULA DE HONRA NA ESO:

As alumnas e os alumnos que, logo da avaliación final do cuarto curso, obtivesen unha **nota media do cuarto curso igual ou superior a nove puntos** **poderán recibir a mención de matrícula de honra**. A devandita mención poderá concederse, como máximo, a un número de alumnas ou alumnos igual ao enteiro máis próximo ao 5 % do total de alumnado matriculado no centro docente no cuarto curso.

En todo caso, cando no centro docente o total de alumnado matriculado no cuarto curso de educación secundaria obrigatoria sexa inferior a vinte, poderá concederse unha mención de matrícula de honra. Seguiremos ademais os criterios de concesión das matrículas aprobados no Consello Escolar.

O IES Lauro Olmo concederá a matrícula de honra como ten estipulado dende a CCP e aprobado no Consello Escolar, segundo ops criterios que seguen:

- Mellor nota media global na ESO.
- Maior número de materias clasificadas cun 10 en 4º da ESO.
- Maior número de materias cualificadas cun 9 en 4º da ESO.
- Maior número de materias clasificadas cun 10 en 3º da ESO.
- Maior número de materias cualificadas cun 9 en 3º da ESO.
- Maior número de materias clasificadas cun 10 en 2º da ESO.
- Maior número de materias cualificadas cun 9 en 2º da ESO.
- Maior número de materias cualificadas cun 10 en 1º da ESO.
- Maior número de materias cualificadas cun 9 en 1º da ESO.
- En caso de empate, farase un sorteo.

Ao sorteo público asistirá convocado pola xefatura de Estudos, o alumnado que aspire a ter a matrícula de honra, poden asistir os pais e nais ou titores legais dos mesmos. Estarán presentes os titores ou titoras de 4º da ESO e o secretario do centro, quen levantará a acta, que se axuntará á acta da sesión de avaliación.

2- A AVALIACIÓN EN BACHARELATO

2-1- A AVALIACIÓN

A avaliación da aprendizaxe do alumnado levarase a cabo tomando como referentes para a comprobación do grao de adquisición das competencias e do logro dos obxectivos da etapa os criterios de avaliación e, de ser o caso, os estándares de aprendizaxe que se recollen no Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia.

A avaliación da aprendizaxe do alumnado **será continua e diferenciada** segundo as distintas materias, **terá un carácter formativo** e será un instrumento para a mellora tanto dos procesos de ensino como dos procesos de aprendizaxe.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tlf: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



- Haberá **UNA AVALIACIÓN ORDINARIA E UNHA EXTRAORDINARIA** para o alumnado que non supere algunha materia, coa finalidade de lle facilitar a súa recuperación, terá dereito a realizar unha proba extraordinaria nas datas que se determinen na norma que estableza o calendario escolar para cada curso.
- Ao longo de cada curso realizaranse para cada grupo **TRES SESIÓNS DE AVALIACIÓN PARCIAIS**. Así mesmo, **farase o seguimento da recuperación das materias pendentes**, se for o caso. A derradeira destas tres sesións poderá coincidir coa avaliación final do período ordinario.
- **AS DATAS DA AVALIACIÓN ORDINARIA E EXTRAORDINARIA**, virán reflectidas no calendario escolar.
- **ORGANIZACIÓN DE TRABALLO ENTRE A AVALIACIÓN ORDINARIA E EXTRAORDINARIA**
 - ◆ **1º BACHARELATO:** o período abranguido desde a realización da avaliación final ordinaria ata o remate do período lectivo dedicarase á preparación e á realización das probas extraordinarias, e a actividades de apoio, reforzo, recuperación, ampliación e titoría.
 - ◆ **2º BACHARELATO:** Dende as datas de realización da avaliación final ordinaria ata as datas de celebración das probas extraordinarias, o centro educativo organizará como impartir clases co fin de preparar o alumnado para a realización das probas extraordinarias e da preparación das probas de acceso á universidade
- **AS CUALIFICACIÓNS:** Serán recollidas de **0 a 10**, tamén figurará no seu caso, non presentado NP.
- **A titora**-or recollerá nuha acta as decisións tomadas sobre o grupo ou individuais de cada alumna-o.
- **TOMA DE DECISIÓNS:** De non existir unanimidade no equipo docente, **a toma de decisións requirirá o acordo favorable da maioría simple dos seus membros**.
- As alumnas e os alumnos que ao termo do segundo curso **tivesen avaliación negativa nalgunhas materias** poderán matricularse delas sen necesidade de cursar de novo as materias superadas ou poderán optar, así mesmo, por repetir o curso completo. Neste último caso, non se manterán as cualificacións das materias do devandito curso que a alumna ou o alumno tivera superado previamente.

2-2 A PROMOCIÓN

- **Cando e quen determina a promoción?** Ao final de curso, determinarase a promoción A decisión será adoptada de **xeito colexiado**, atendendo á consecución dos **obxectivos**, ao grao de **adquisición das competencias** establecidas e á valoración das medidas que **favorezan o progreso da alumna ou do alumno, e tendo en conta os criterios de promoción**.
- **Quen promociona?:**
 - ◆ Quen supere tódalas materias
 - ◆ Quen teña avaliación negativa en 1 ou 2 materias.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tif: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



■ OS NON PROMOCIONADOS:

- ◆ As alumnas e os alumnos do primeiro curso de bacharelato que non cumpran as condicións de promoción establecidas deberán matricularse de todas as materias e repetir o curso na súa totalidade.



■ MATRICULACIÓN MATERIAS 2º BACH:

- A superación das materias de segundo curso que se indican no anexo VI do Decreto 86/2015, do 25 de xuño, estará condicionada á superación das correspondentes materias de primeiro curso indicadas no devandito anexo, por implicar continuidade. Non obstante, o alumnado poderá matricularse de materias troncais de opción ou específicas de segundo curso sen cursar a correspondente materia de primeiro curso, sempre que o profesorado que a imparta considere que a alumna ou o alumno reúne as condicións necesarias para poder seguir con aproveitamento a materia de segundo. En caso contrario, deberá cursar a materia de primeiro curso, que terá a consideración de materia pendente, aínda que non será computable para os efectos de modificar as condicións en que acadou a promoción a segundo.

2-3 TITULACIÓN BACHARELATO

O título de bacharel acredita o logro dos obxectivos establecidos para a etapa e a adquisición das competencias correspondentes.

- Para obter o título de bacharel cumprirá a **avaliación positiva en todas as materias dos dous cursos de bacharelato**.

- **EXCEPCIONALMENTE, O EQUIPO DOCENTE PODERÁ DECIDIR A OBTENCIÓN DO TÍTULO DE BACHAREL POR UNHA ALUMNA OU UN ALUMNO QUE SUPERASE TODAS AS MATERIAS AGÁS UNHA**, sempre que se cumpran ademais todas as condicións seguintes:

- ◆ Que o equipo docente considere que a alumna ou o alumno alcanzou as competencias e os obxectivos vinculados a ese título.
- ◆ Que non se produciu unha inasistencia continuada e non xustificada por parte da alumna ou do alumno na materia.
- ◆ Que a alumna ou o alumno se presentou ás probas e realizou as actividades necesarias para a súa avaliación, incluídas as da convocatoria extraordinaria.
- ◆ Que a media aritmética das cualificacións obtidas en todas as materias da etapa cursadas que como mínimo se requiran para a obtención do

O título de bacharel será único e expedirase con expresión da modalidade cursada e da nota media obtida, que se obterá calculando a media aritmética das cualificacións de todas as materias cursadas, expresada nunha escala de 0 a 10 con dous decimais, redondeada á centésima.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA



UNIÓN EUROPEA
FONDO SOCIAL EUROPEO

INSTITUTO DE EDUCACIÓN SECUNDARIA
"LAURO OLMO"

Tif: 988 320 175 • Fax: 988 321 486

Rúa Calabagueiros s/n • 32300 O Barco (Ourense)

e-mail: ies.lauro-olmo.valdeorras@edu.xunta.es

web: www.ieslauroolmo.gal



2-4 MATRÍCULA DE HONRA EN BACHARELATO

- O alumnado que, logo da avaliación final ordinaria do segundo curso, obtivese unha nota media do segundo curso igual ou superior a nove puntos poderá recibir a mención de matrícula de honra. A devandita mención poderá concederse, como máximo, a un número de alumnas ou alumnos igual ao enteiro máis próximo ao 5 % do total de alumnado matriculado no centro docente no segundo curso.

En todo caso, cando no centro docente o total de alumnado matriculado no segundo curso de bacharelato sexa inferior a vinte, poderá concederse unha distinción de matrícula de honra.

- A obtención da mención de matrícula de honra será consignada nos documentos de avaliación da alumna ou do alumno.
- Os criterios para a concesión das mencións de matrícula de honra ao alumnado serán previamente acordados e establecidos na concreción curricular do centro, e deben ser obxectivos e públicos.

■ CRITERIOS PARA OBTENCIÓN DA MATRÍCULA DE HONRA IES LAURO OLMO

Matrícula de honra. ***Os alumnos e as alumnas que obtivesen no segundo curso de bacharelato unha nota media igual ou superior a nove puntos recibirán a mención de matrícula de honra. Dita mención concederáse a un número de alumnos e alumnas non superior ao 5% do total de alumnado deste curso***

A obtención da mención de matrícula de honra será consignada nos documentos de avaliación do alumno ou alumna. A concreción curricular do bacharelato incluírá nas directrices xerais os criterios para a concesión das mencións de matrícula de honra ao alumnado.

O IES Lauro Olmo concederá a matrícula de honra como ten estipulado dende a CCP e ven realizando os últimos anos serán:

- Mellor nota media en 2º bacharelato.
- En caso de empate os criterios de desempate serán os que seguen e por esta orde:
 - Maior número de materias cualificadas cun 10.
 - Maior media de materias cualificadas cun 9.
 - Media de 1º de bacharelato.
 - Número de materias cualificadas cun 10 en 1º Bacharelato.
 - Número de materias cualificadas cun 9 en 1º Bacharelato..
 - En caso de persistir empate, farase un sorteo público.

Ao sorteo público asistirá convocado pola xefatura de Estudos, o alumnado que aspire a ter a matrícula de honra, poden asistir os pais e nais ou titores legais dos mesmos . Estarán presentes os titores ou titoras de 2º de bacharelato e o secretario do centro, quen levantará a acta, que se axuntará á acta da sesión de avaliación.

- O IES Lauro Olmo publicará os criterios da obtención da matrícula de honra a través da páxina web, nos taboleiros das aulas de 4º da ESO e 2º de bacharelato e informará ós grupos a través dos titores